

1838 - Urbari della farria de Thujetsch, renovaus 1838

Igl urbari cumpeglia varga 50 paginas ed ha ina grondezia da 20 x 24 cm. Da quei temps fuvu Giusep Antoni Hitz plevon a Sedrun e tgunschamein ha el sez pretendiu in niev urbari cullas novas directives e prescripziuns pil plevon. Pil pli mava ei lu era per segirar las entradas al plevon. Ell'emprema part cumparan las messas perpetnas ch'ei da leger durent igl onn ora cun ils pagadurs da quellas. Quella survesta annuala muossa era ils differents firaus ed insumma tuttas funcziuns e fiastas specialas dalla baselgia parochiala da quei onn en Tujetsch. Igl urbari cuntinuescha cun las entradas, la rendita e culs dretgs ed obligaziuns, sco era las grevezias dil plevon, il segnerfarrer.



Directorium u Calendarium dalla „Parochia de **Thujetsch**“, d'anflar las funcziuns e messas perpetnas suenter siu uorden sco ellas crodan cun ils pagadurs dasperas.

Schaner	Pagadurs
1. La fiasta dalla surtigliada da Niessegner Jesus Cristus	
2.	
3.	
4.	
5. Messa perpetna per Caspar de Gonda a S. Onna (<i>Camischolas</i>)	Wigielli Giosep Monn da Zarcuns
6. Messa perpetna per stalter Caspar Deflorin	Maria Barbla Casparin da Cavorgia
7. Messa perpetna per signur mistral Chrest Valentin Beer	Stalter Gion Bistgiaun Monn
8. Messa perpetna per scarvon Gion Andriu Decurtins a S. Onna (<i>Camischolas</i>)	La caplutta da s. Onna
9.	
10. Messa perpetna per Clau Caviezel	Gion Hasper Giacumet da Cavorgia
NB. Sin l'emprema dumengia da Buania suenter la fiasta, croda la messa perpetna per Mihel Giacumet e sia dunna Onna Maria Beer	Wigiellj Gioseph Beer, il fravi a Gonda
11.	
12.	
13.	
14.	
15. Messa perpetna per Plazi Deflorin	Giachen (<i>scret egl entir calender: Giacen</i>) Plazi Deflorin
16.	
17. Messa perpetna per Maria Margretta Schuoler a S. Antoni (<i>Surrein</i>)	Gion Antoni Giacumet
18.	
19.	
20. Messa perpetna per Maria Nescha Hendrj	Paul Decurtins
La fiasta da s. Bistgaun	
21. Messa perpetna per Nescha Soliva	Sur Vegiellj Wenzin a Razen
22. Messa perpetna per Vincens Beer a S. Onna	Gion Fidel Riedi da Rueras
23. Messa perpetna per Maria Stoffel, la Frona	S. Wigillj
24.	

25.	Il farrer funcziunescha quei di a Selva	La filiala da Selva , cumparend 1 fl. nuncumparend tenor usit, vide urbari da Selva .
26.		
27.		
28.		
29.		
30.		
31.	Messa perpetna per Maria Margretta Monn	Wigiellj Wallier e Giachen Plazi Deflorin pagan ensemen, la quala paga stalter Gion Antoni Curschellas
	Sin la dumengia dil ss. Num da Jesus croda ina messa perpetna per Gioseph Antonj Giacumet,	
	Sin l'emprema e tiarza dumengia da scadin meins vegn fatg ina processiuon da viaspras, mond entuorn baselgia a cantond la litania Lauretana cul Salve Regina e l'oraziun dil Rusari u quella dil Carmel, suenter sco ei s'auda.	
Fevrer		Pagadurs
1.	S. Brida patruna secundaria dalla parochiala. La messa pils benefactors dalla baselgia, fatga sigl altar da s. Brida.	S. Wigiellj paga, ha aber l'unfrenda da quei di
2.	Purificaziun dalla Beata Purschala Maria e messa perpetna per Giachen Monn da Sedrun	Stalter Chrest Valentin Caveing
3.	Messa perpetna per Giachen Beer	Thomas Joseph Schmet
4.	Messa perpetna per Giachen Andriu Hendrj e sia dunna Maria Johanna Riedi	Gioseph Maria Hendry
5.		
6.	Messa perpetna per Maria Turté Beer a S.Onna	Martin Pally
7.		
8.		
9.	Messa perpetna per Christina Giossi	Giachen Gioseph Decrusch
10.		
11.	Messa perpetna per Giachen Mihel Deflorin a S.Onna	Caplutta da s. Onna
12.		
13.	Messa perpetna per Antonj Genelin	Giachen Joseph Decrusch
14.		
15.		
16.		
17.		
18.		
19.		
20.		
21.		
22.		
23.	Messa perpetna per signur Cumissari Martin Deflorin a S.Onna	Caplutta da s. Onna
24.	Messa perpetna per Mathias Deflorin	Antonj Maissen
25.		
26.		
27.		
28.		
29.		
	Sin la gievgia grassa numnada, croda la messa perpetna per las soras Maria Barbla e Maria Margretta Beer	Stalter Gion Antonj Curschellas
	Avon temps ei stau la moda d'exponer il ss. sacrament digl altar ella farria sin quella gievgia.	
Mars		Pagadurs
1.		

2.		
3.		
4.		
5.	Messa perpetna per Anna de Cunel a S. Antoni	Gion Hasper Giacumet da Cavorgia
6.		
7.	Messa perpetna per Hans Giachen Decurtins fatga a S. Onna	Statalter Gion Andriu Berther paga 40 xr e sur Wegielli Wenzin da Razen paga 20 xr.
8.	Messa perpetna per Gioseph Weker	Mistral Weker d' Andiast
9.	Messa perpetna per Christina Martin dil Paul	Wigiellj Gioseph Wallier 30 xr, l'otra mesadad probabel ils affons da statalter Winzens Monn p.m.
10.		
11.		
12.		
13.	Messa perpetna per Giellj Durig Riedi	Gion Antoni Giacumet da Surrein
14.		
15.		
16.		
17.		
18.	Messa perpetna per Paul Sievi a S. Giusep	Caplutta da s. Giusep
19.	Funcziunescha il segnerfarrer a S. Giusep , la messa pils benefactors dalla caplutta	Paga era la caplutta leu
20.	Messa perpetna per Giachen Schmet a S. Giusep	Maria Chatrina Schmet paga 40 xr e Libratta Schmet 20 xr
21.		
22.	Annual per revendissim signur sur Giosep Beer Vegn dau ora sal.	Martin Pallj da Camischolas 2 fl.
23.		
24.	Messa perpetna per Valentin Beer	Statalter Gion Rest Monn
25.	Messa perpetna per Maria Chatrina Thomaschun	Martin Felizi Beer, feagl dil Ludavig a Gonda
26.		
27.		
28.		
29.	Messa perpetna per Wigiellj Joseph Beer	Statalter Antonj Beer
30.	Messa perpetna per Maria Scolastica Wenzin	Anna Maria Beer, sora dil sura
31.	Messa perpetna per Hans Giachen Beer	Gierj Antonj Beer, Gonda
	Igl emprem gliendisdis suenter la fiasta da s. Giusep croda la messa perpetna per Gion Mohr. Vegn fatga a S. Giusep	Signur mistral Curdin Huonder da Mustér
	Avrel	Pagadurs
1.		
2.		
3.	Messa perpetna per Vigillj Monn	Gioseph Antonj Wenzin, Gonda
4.		
5.		
6.		
7.		
8.		
9.		
10.	Messa perpetna per Gioseph Lorens Riedj	Gion Antoni Giacumet da Surrein
11.		
12.		
13.	Messa perpetna per revendissim signur vicari Ludivic Giacumet	Il farrer gauda ina sort prau a Milez e sto far la messa.

14.	Messa perpetna per Hans Giachen Berther	Wigiellj Wenzin da Gonda
15.		
16.		
17.		
18.		
19.		
20.		
21.		
22.	Messa perpetna per Onna Maria Giacumet	Giachen Antoni Wenzin a Gonda
23.		
24.		
25.	Fiasta da s. Marc, vegn fatg processiu a Mustér	
26.		
27.		
28.		
29.		
30.	Messa perpetna per Christina Matergia	Giachen Andriu Schmet, Rueras
31.		
	<p>Sin ils 25 da quest meins vegn fatg la processiu entochen a Mustér sco sura ei fatg menziun. Enten ir ora vegn scadina caplutta visitada, las qualas la processiu passa speras ora. A S. Gada vegn fatg ina s. messa. Il farrer da Tujetsch u quel da Medel, che cumparan era quei di leu cun siu pievel. La processiu viseta la baselgia da s. Gion Battesta e da leu naven vegn il farrer da Mustér era cun siu pievel entochen en la baselgia dalla claustra da s. Martin. Leu vegn fatg ina messa cantada d'in dils religios da leu. Suenten la fin da quella, va tut il pievel da tuttas treis vischnauncas en processiu entochen ora tier la caplutta da s. Placi. Leu vegn fatg messa cantada da rogaziun ed avon la messa tenui priedi, nua che mintga spiritual che cumpara cun la processiu ei obligaus da perdegar. Igl emprem onn il spiritual da Mustér, secund onn quel da Tujetsch e tierz onn quel da Medel. Suenten tut finiu leu va tut il pievel puspei anavos entochen la baselgia da s. Gion Battesta e la processiu ei finida. Il farrer da Mustér dat il gentar als dus spirituals jasters, a quel da Tujetsch ed a quel da Medel.</p>	
	Matg	Pagadurs
1.	Fiasta da s. Filip e s. Giachen; ils uffecis parochials leu	La filiala da S. Giachen a Rueras
2.	Annual per revendissim signur canoni Gion Sgier	Paga la parochiala s. Vigeli al farrer 2 fl.
3.	Fiasta dalla anflada dalla s. crusch, vegn exponiu la partcla dalla s. crusch e dau la benedicziun e messa perpetna per Gion Gioseph Schmet	La messa paga siu fegl Thomas Joseph Schmet
4.		
5.		
6.	Messa perpetna per Giahannes Casparin a S. Leci	Barclamiu e siu frar Gioseph Giacumet da Surrein .
7.		
8.		
9.		
10.		
11.	Messa perpetna per Chatrina Monn a S. Giusep	Wigiellj Monn siu fegl
12.		
13.		
14.		

15.		
16.		
17.		
18.	Messa perpetna per Wenanzi Deflorin e sia dunna M. Margreta Berther a S. Onna	Statalter Hans Giachen Deflorin
19.		
20.		
21.		
22.		
23.		
24.	Messa perpetna per Gioseph Antoni Giacumet a ses perdavons a S. Leci	Gion Hasper Giacumet
25.		
26.		
27.		
28.		
29.		
30.		
31.		
	Zercladur	Pagadurs
1.		
2.		
3.		
4.		
5.		
6.		
7.		
8.		
9.		
10.		
11.		
12.		
13.	Messa perpetna per signur mistral Hans Gierj Beer e sia sora Ursula	Paga Hans Gierj Monn
	L'applicaziun dil patrocini sto vegnir refretga ed ademplita in auter di.	
14.		
15.		
16.		
17.		
18.		
	NB. Ils 13 da quest meins vegn fatg processiu a S. Antoni per ademplitir quella da S. Gottard , sco era quella da s.Pieder e s.Paul.	
19.	Messa perpetna per Gielgia Beer	Gion Andriu Berther e Vigiellj Monn ensemen
20.		
21.		
22.		
23.	Processiu a Segnas , il farrer da leu la messa, unfrenda, turnond era cun processiu.	
24.	Messa perpetna per signur litinent Gion Soliva	Barbla Catrina Riedi a Selva consorta da Gioseph Maria Peder, salter
25.	Messa perpetna per Barbla Giacumet e Giellj Monn	Vigiellj Gioseph Zanetti
26.	Fiasta da s. Vigeli patrun da nossa parochiala. Messa perpetna per ils benefactors dalla baselgia. La pleiv da	

	Mustér cumpara cun processiu e siu farrer celebrescha la messa solemna, sto era far priedi.	
27.	Messa perpetna per Gierj Giossi	Bistgiaun Gieriet
28.	Messa perpetna per Giellj Depallj	Hans Giachen Beer, sia quinada
29.	Fiasta da s. Pieder e s. Paul. Messa perpetna per Segner sur Wegiellj Wenzin	Il farrer po guder il nueglet sut casa.
30.	Messa perpetna per Maria Chatrina Beer	Chrest Schmet
	NB. Ils 29 da quest meins processiu a Tschamut per ademplir quella da S. Gottard . La messa per la communitad e la vischnaunca paga al farrer 1 fl. 40 xr. La messa perpetna per da quei di sto vegnir refretga sin in auter di.	
	Fenadur	Pagadurs
1.	Messa perpetna per Wigiellj Gioseph Beer	Crest Schmet
2.	Messa perpetna per statalter Joseph Maria Huonder	Incorporada segnerfarrer
3.	Messa perpetna per Wigiellj Felici Monn	Signur sechelmeister Gion Antoni Venzin
4.	Annual per signur mistral Durj Monn	Gion Antonj Beer dil mistral Beer
5.		
6.		
7.		
8.		
9.		
10.	Messa perpetna per Plazi Beer	Il farrer ha il Milez Sut
11.	La fiasta da s. Placi e S. Sigisbert La messa sin siu altar e messa perpetna per per Plazi Monn e Wigiellj Librat Monn	Christina Monn, feglia da Plazi Monn da Bugnei
12.		
13.		
14.		
15.		
16.		
17.		
18.		
19.	Messa perpetna per Margretta Berther	Onna Maria Caviezel, feglia dil Luzi
20.	Messa perpetna per Margaritta Olivia	S.Vigeli
21.		
22.	Messa perpetna per Maria Magdalena Zaneti	Giachen Joseph Dechrusch
23.	Messa perpetna per Margaritta Berther	Antonj Maissen a Gonda
24.	Messa perpetna per Christina Wenzin	Librat Schmet 20 xr e siu frar Giachen Antoni Schmet 40 xr.
26.	La fiasta da s. Onna, igl uffeci a S. Onna , l'applicaziun pils benefactors	Caplutta da s. Onna
27.		
28.		
29.		
30.		
31.		
	NB. La sonda avon la dedicaziun dalla baselgia da Zarcuns , messa perpetna per Maria Barbla Monn da Surrein .	La quala paga signur sechelmeister G. Antonj Wenzin
	Ina sonda en quei meins messa perpetna per Gion Battesta Berther	Paga siu fegl Gion Batesta Berther
	NB. Suentar la fiasta da s. Placi e s. Sigisbert va la vischnaunca, quels dador igl Uaul s. Brida mintga sonda cun processiu a Zarcuns ed il farrer sco ils caplons	

	celebreschan leu las ss. messa. Quei vegn fatg mintga sonda entochen ch'igl ei vargau s. Mihel (29-9), quei tenor vegl usit.	
Uost		Pagadurs
1.		
2.	Messa perpetna per Gion Soliva	Chrest Beer da Camischolas
3.	L'emprema dumengia da quest meins ei la dedicaziun dalla caplutta da s.Onna, messa pils benefactors (<i>stria</i> <i>pli tard</i>).	Paga la caplutta da s. Onna
4.		
5.	Per ils benefactors dalla caplutta da Zarcuns	Paga la caplutta da Nossadunna
6.		
7.		
8.		
9.		
10.	Messa perpetna per Loreing Giacumet e sia dunna Maria Catrina Monn	Paul Gioseph Schmet
11.		
12.		
13.		
14.	Fiasta da s.Felici. Messa perpetna per Wigiellj Felici Monn da Surrein	Sechelmeister G. Antoni Wenzin 20 xr e Lezi Monn da Zarcuns 40 xr.
15.	Fiasta dall'Assumziun dalla Beata Purschala Maria, applicaziun per la communitad	Farrer ha l'unfrenda
16.	Fiasta da s. Roc, ils uffecis a s. Onna a Camischolas e messa perpetna per Anna Beer a S.Onna	Stalter G. Antoni Curschellas e Waliers, ensemen, uss Martin Felici Berther
17.		
18.		
19.		
20.		
21.		
22.		
23.		
24.	Messa perpetna per Giuanna Riedj	Gioseph Maria Hendrj
25.		
26.		
27.		
28.		
29.	Messa perpetna per Maria Gieriet	Gioseph Antoni Monn da Zarcuns
30.		
31.		
	NB. L'emprema sonda da quest meins messa perpetna per stalter Andriu Berther, vegn fatga a Nossadunna	Paga stalter Gion Andriu Berther
	La secunda sonda a Nossadunna messa perpetna per Lezi Antonj Monn	Assistent Gion Felici Monn
	La tiarza sonda a Nossadunna . Messa perpetna per Maria Barbla Monn, maridada Wenzin	Stalter Sigisbert Monn
Settember		Pagadurs
1.		
2.		
3.		
4.		
5.		

6.		
7.	Messa perpetna per Plazi Monn	Gioseph Lorens Schmet da Mulin
8.	Fiasta dalla naschientscha dalla Beata Purschala Maria. Messa perpetna per litinent Gion Soliva; dau ora sal	Sal 30 xr tenor testament
9.		
10.		
11.	Fiasta da s. Felici e Regula	
12.		
13.		
14.		
15.		
16.		
17.		
18.		
19.		
20.		
21.	Messa perpetna per Dorte Caviezel, maridada Monn	Giachen Antoni Wenzin
22.		
23.		
24.		
25.		
26.		
27.		
28.	Messa perpetna per Mihel Cuinter	Lezi Monn da Zarcuns
29.	Fiasta da s. Michael	
30.		
	NB. La secunda dumengia da quest meins croda la dedicaziun dalla caplutta da s. Leci; l'applicaziun pils benefactors dalla caplutta	Paga la caplutta s. Leci
	La quarta dumengia da quei meins croda la dedicaziun dalla caplutta da s. Giusep; applicaziun pils benefactors dalla caplutta	Paga la caplutta da s. Giusep
	L'emprema sonda da quest meins messa perpetna per Onna Maria Durschei	Paga siu fegl Martin Felici Beer dil Sep da Gonda
	October	Pagadurs
1.		
2.		
3.		
4.		
5.		
6.		
7.		
8.		
9.	Messa perpetna per Giahannes Casparin	Statalter Wigiellj Matias Monn
	L'emprema dumengia da quest meins croda la solemnitad dil ss. rusari. Cumpara l'entira pleiv, vegn fatg las applicaziuns, ton dil farrer, sco dils caplons pils confrars e soras da questa cumpagnia.	Paga la parochiala siu ugau 36 xr, ton al farrer sco als caplons a mintgin 36 xr; ha aber l'unfrenda da quei di.
	La secunda dumengia, la dedicaziun dalla filiala da s. Giachen; l'applicaziun pils benefactors dalla baselgia.	Vegn pagau ord la filiala annualmein per tuttas funcziuns 1.40 fl suenter il solit
10.		
11.		
12.		
13.		
14.		

15.		
16.		
17.		
18.		
19.		
20.	Messa perpetna per Maria Ursula Giosi	Paul Gioseph Schmet
21.	Messa perpetna per Ursula Beer	Gioseph Fidel Beer, tergielj, 30 xr, e Martin Felici Beer, dil Ludavig, 30 x.
22.		
23.		
24.		
25.		
26.		
27.		
28.	Messa perpetna per stalter Wigiellj Monn da Zarcuns	Assistent Gion Felici Monn 30 x. e stalter Wigilj Matias Monn 30 x.
29.		
30.		
31.	Messa perpetna per Onna Casparin	Joseph Matias Giacumet
November		Pagadurs
1.	Fiasta da tut ils sogns e messa perpetna per misterlessa Onna Maria Monn	Lezi Monn da Zarcuns
2.	La commemoraziun da tuttas fideivlas olmas	Vegn fatg ina unfrenda, explicau en in auter liug
3.	Annual per revendissim signur Johan de Castelberg	Ei ligiau e segnerfarrer ha aunc da pagar ora als caplons 1 fl per in ed als calusters 16 x; alla baselgia 4 fl.
4.	Messa perpetna per Wigiellj Caviezel	Antonj Beer, mengit
5.		
6.		
7.	Messa perpetna per Maria Carlen	Thomas Berther a Rueras
8.		
9.		
10.	Messa perpetna per Martin de Pardj a Nossadunna	La caplutta da Zarcuns
11.	Fiasta da s. Martin, processiuon a Mustér tenor usit	
12.		
13.		
14.		
15.		
16.	Messa perpetna per Othmar Schmet, il bab	S. Wigillj
17.	Messa perpetna per Othmar Schmet, il feagl	S. Wigillj
18.		
19.		
20.	Messa perpetna per Ursula Riedj	S. Wigillj
21.	Messa perpetna per Mari landrehtra Berther a S. Onna	La caplutta da s.Onna
22.		
23.		
24.	Messa perpetna per Chatrina Berther	Gion Antoni Beer dalla Librata
25.	Messa perpetna per dunna misterlessa Margritta Soliva a S. Onna	La caplutta da s. Onna
26.	Messa perpetna per junker Conradin de Medel	S. Wigiellj
27.	Messa perpetna per Chatrina Biart	Martin Felici Beer, feagl da Ludavig
28.		
29.	Messa perpetna per Andriu de Sax a S. Onna	La caplutta da s.Onna

30.	Messa perpetna per Andriu Durj de Curtins	Gieri Beer da Gonda a Mulin paga 40 x. ed ils artavels d'Onna Margretta Durschei da Rueras 20 x.
	NB. L'unfrenda dil di dallas olmas vegn partida ulivamein denter ils spirituals e per igl importo da quella vegn ei fatg per la mesadad da quella uffecis generals e scadin spiritual ha stipendi 1 fl., tuts ulivamein. Ils calusters han da pretender ord quella unfrenda 32 x. e 5 crenas glin. Ils caplons pagan al segnerfarrer per il gentar 1 fl. e fan aunc in regal alla cuschiniera da 30 x. NB. Per la mesadad dalla unfrenda vegn fatg tuts sacrificis, applicaziuns per las olmas dil general. Ei vegn aunc dau in'explicaziun en in auter liug.	
December		Pagadurs
1.	Messa perpetna per statalter Andriu Decurtins a Nossadunna	Scarvon Lucas Caveing
2.		
3.	Fiasta da s. Lezi, ils uffecis en sia caplutta da Cavorgia ; applicaziun pils benefactors	La caplutta da s.Leci
4.	Messa perpetna per Maria Barbla Biart	Statalter Sigisbert Monn
5.		
6.	Fiasta da s. Nicolaus, ils uffecis a Tschamut ; l'applicaziun pils benefactors dalla caplutta	La caplutta da s. Nicolaus cumparend 1 R, nuncumparend tenor usit sco per ils 25 da schaner.
7.	Messa perpetna per Margaritta de Mila	Maria Turte Schmet, vieua a Rueras
8.	Fiasta d'Immacolata concepziun dalla Beata Purschala Maria. Messa perpetna per Maria Barbla de Curtins	Statalter Rest Walentin Caveing 30 x e Gion Antoni Beer era 30 x.
9.	Messa perpetna per Maria Barbla Monn	Lezi Monn da Zarcuns
10.		
11.		
12.		
13.		
14.	Messa perpetna per Adelbert de Wagliegia	Giachen Modest Deragisch
15.		
16.		
17.		
18.		
19.		
20.		
21.	Fiasta da s. Thomas, apiestel, in annual per signur mistral Chrest Valentin Beer e sia consorta dunna misterlessa Onna Maria Monn cun lur duas feglias Onna Maria e Catharina Beer.	Ad interim statalter Gion Rest Monn
22.		
23.		
24.	Messa perpetna per statalter Gion Monn, giuven	Statalter Gion Andriu Berther
25.	Fiasta da Nadal da mesanotg. Messa perpetna per statalter Giachen Antoni Monn e sia mumma Maria Barbla Deflorin	Lezi Monn da Zarcuns . Statalter Gion Bistgiaun Monn paga 1 R e 10 x per quella dils 26 e statalter Gion Rest Monn quella dils 27, 1 R. Il farrer ha l'obligaziun d'ira sur fossa omisdus dis.

26.	Fiasta da s. Stiafen. Messa perpetna per stalter Gion Monn e per sia dunna.	
27.	Messa perpetna per Onna Maria Monn	
28.	Messa perpetna per Maria Margaritta ed Onna Maria Hernj. Fiasta dils innocents marters	Affons da Gioseph Antonj Geriet
29.		
30.		
31.	Fiasta da s. Silvester. Messa perpetna per Bistgiaun Gieriet e sia dunna Maria Barbla Schmet	Chrest Beer da Camischolas
	NB. La mesjamna dallas 4 tempras messa perpetna per illustrissim signur baron Gion Travers	S. Wigiellj paga
	NB. En scadina 4 tempras vegn avon messa, fatg viaspras da morts e suenter iu ora sur logs ed on carner, tenor usit.	

Messas perpetnas che crodan en la Cureisma e sin in'otra fiasta, ni dis fixai

Mesjamna dalla tschendra. Messa perpetna per Maria Berther; vegn benediù e sterniu la tschendra sil pievel.	Scarvon Lucas Caveing la mesadad, sche buca l'entira. Igl Unterfand a Plaun Saltè , urbari vegl fol. 261, sco ins ei s'informaus gauda el quel.
La gievgia suenter la mesjamna dalla tschendra. Messa perpetna per Gion Decurtins	Onna Maria Curschellas, dunna da Chrest Schmet
L'emprema dumengia da Cureisma. Messa perpetna per Maria Dorté Wenzin	Segnerfarrer da Razen , sur Vegiellj Wenzin
Il gliendisdis suenter l'emprema dumengia da Cureisma. Messa perpetna per Andriu Decurtins a S. Antoni .	Gioseph Maria Muclj, fegl da stalter Gioseph Antoni Muclj, p.m.
La mesjamna quater tempras. Messa perpetna per Christina Imhof	S. Wigiellj
La sonda quater tempras. Messa perpetna per stalter Martin Suliva	Bistgiaun Geriet
Igl emprem venderdis da mars croda in annual per las olmas da stalter Gion Monn e sia dunna Onna Maria Monn e lur fegl Duri Batesta Monn.	Assistent Gion Felici Monn 2 fl., ord quei paga segnerfarrer ils calusters e la baselgia.

Suenter l'emprema dumengia da Cureisma vegn adina fatg cumplet avon rusari, resalvond sin ils firaus che crodan en e las sondas, nua ch'ei vegn fatg viaspras, ni las sondas cumplet ad uras da viaspras. Las mesjamnas da Cureisma suenter rusari vegn cantau il psalm Miserere ed ils venderdis il himni Stabat mater dolorosa cun siu V. e R. ed Oratium dalla fiasta dallas siat dolurs da Nossadunna, quei ei d'entellir aber mo la Cureisma.

NB. Tuts venderdis da mars, u da Cureisma, sin quels vegn exponiu il venerabel ss. sacrament sut messas e teniu priedi da tuts spirituals. Igl emprem venderdis tucca ei al segnerfarrer, il secund al caplon da **Rueras**, il tierz al caplon da **Selva**, il quart al caplon da cheu. Il priedi vegn fatgs avon la messa, quei ei d'entellir mo ils venderdis Cureisma ni da mars.

L'emprema dumengia da mars. Messa perpetna per Giachen Mihel Quinter.	Paga S.Wigillj
La secunda dumengia da mars. L'emprema dumengia da mars. Messa perpetna per Gion Hernj	Artavels da Entengia Beer a Bugnei
La tiarza dumengia da mars. Messa perpetna per Agatha Schnoz	Signur assistent Thomas Joseph Schmet da Rueras
La quarta dumengia da Cureisma. Messa perpetna per Maria Elisabeth Muclj	Antonj Maculin

La tschunavla dumengia da Cureisma. Messa perpetna per Maria Durté Beer, feglia dil Ludavig	Martin Pallj da Camischolas
Il secund venderdis da mars ni da Cureisma in annual per revendissim singur canoni Joseph Antonj de Castelberg	Antonj Maculin, igl entir uffeci tenor usit
Il tierz venderdis Cureisma in annual per revendissim signur camerer Gion Antonj Gieriet	Stalter Paul Gioseph Wenzin 4 renchs e siu frar Gioseph Florin Wenzin 1 rensch, vegn pagau igl entir uffeci
La mesjamna sontga. Messa perpetna per Antonj Beer	Giellj Sievi a Bugnei
La gievgia sontga. Messa perpetna per Pieder Giacumet	S. Wigillj
La sonda sontga. Messa perpetna per Caspar Beer	Signur scarvon Gion Mihel Monn
La mesjamna suenter Pastgas. Messa perpetna per Gion Vinzens da Cascharolas	S. Wigillj
Il Gliendisdis Pastgas. Messa perpetna per revendissim signur Camerer Giachen Antonj de Gonda	Giospeh Maria de Gonda
Il Mardis Pastgas. Messa perpetna per ils benefactors dalla spenda, la quala vegn quei di partida ora als paupers munglus.	Ils ugaus dalla spenda pagan.
Sonda in Albis. Messa perpetna per revendissim signur Gioseph Beer a Nossadunna	Martin Pallj da Camischolas
Il gliendisdis dallas rogaziuns in annual per ils 12 pelegriuns nua ch'ei vegnan legi giu enten il suffragi.	Scarvon Lucas Caveing, annual 5 fl.
Il venderdis suenter Sontgilcrest, Corporis Christi. Messa perpetna per stalter Hans Giachen Devagleiglia <i>de Vagliaglia</i> .	Durj Wigiellj Biart
La dumengia dalla ss. Trinitad. Messa perpetna per Maria Julscha Quinter	Duri Batesta Berther, fegl da Wigiellj Berther
Il Gliendisdis e Mardis Tschuncheismas. Messa perpetna per las olmas, l'emprema per stalter Hans Giachen Decurtins; la secunda per sia dunna Maria Margareta Nescha Berther	Quellas duas messas pagan ils affons da stalter Thomas Beer 1 fl 46 x dus onns, il tierz onn 47 x, il rest stalter Gion Andriu Berther 14 x, en treis onns mo 13 x, aschia vinavon.
Il venderdis dalla jamna dalla passiuin croda in annual per ils confrars e soras dalla cumpignia da s. Giachen e vegnan legi giu suenter il solit sco siu cudisch meldegia.	Il segnerfarrer ha da trer en 5 fl dils artavels da Giellj Sievi da Bugnei , ha aber l'obligaziun da pagar ora scadin che ha dretgs da pretender per quel.
Sin la dumengia dil patrocini da sogn Giusep croda ina messa perpetna per Gioseph Maria Monn	Lezi Monn da Zarcuns , frar dil defunct.
Sin il venderdis avon la dumengia dalla passiuin, ni il 4. venderdis mars, in annual per las olmas dil reverendissim segner sur Gion Antoni Beer e dunna misterlessa Onna Maria Berther e signur mistral Durj Batesta Beer	Signur mistral Durj Batesta Beer 5 fl.

Intrada e rendita cun dretgs ed obligaziuns

ch'il segnerfarrer ha, revediu d'ina ludeivla vischnaunca entras inquisiziun fatga d'ina cumissiun e digl ugau dalla pervenda cun in signur genau leutier 1838. La ludeivla vischnaunca sedeclara adina da schar metter en raschun sch'ella duess esser ida memia lunsch cun sia revisiun e vul sesuttametter alla enconuschientscha dils suprims superiors, pudent aber era metter en sias raschuns, sco ei vegn era schau tier a quels che manegiassen d'esser pregiudicai. Ei pia mess per scret sco suonda.

Il farrer ha e gauda il funs dalla pervenda, **Dulezi**, senza neginas grevezias, mantenend la seiv entuorn quel, sco era mantener si il tetg dil clavau leu en **Dulezi**, sco era mantener ils baghetgs en auters loghens che la pervenda ha, sco giu las **Rueras** ed a **Milez** il mises, e per mantener si il tetg dalla casa dalla pervenda paga el annualmein alla vischnaunca 1 fl. 40 xr.

Plinavon ha el il dretg dalla dieschma en l'entira vischnaunca, oreifer a **Selva**, **Tschamut** ed a

Carmihut, il qual dretg il beneficiat da **Selva** ha en quels dus loghens, sco era la dieschma da **Caspausa** auda al medem beneficiat. Il segnerfarrer encuntercomi tila dil beneficiat da **Selva** annualmein 8 curtaunas dumiec.

Remarca da pli tard: La dieschma da graun ei vegnida messa en daners 1880 muort lescha cantunala. Igl ei vegniu quintau 80 stera e zuar segal 53 1/3, dumiec 26 2/3. La curtauna segal han ins quintau 1.50 e la dumiec 1 frs. = 860 frs. Il segnerfarrer sto trer en il tscheins dil capital dieschma sin sias spesas.

La dieschma vegn dada sin la sequenta moda, numnadamein mintga 60 curtaunas auda ina al segnerfarrer, quei ei d'entellir ch'il farrer hagi quei dretg mo dil garnezi, dumiec, graun, e buca d'auters fretgs che creschan en la vischnaunca.

Certs loghens dattan la dieschma sin in'otra moda, quei vul dir mintga 40 curtaunas ina al farrer. Ils loghens vegnan cheu specificai: **Bugnei**, **Bagliel**, **Mulinez**, **Gravas**, **Nislas**, sco era da tschei maun dall'aua a **Nacla**, **Canadal** ed a **Surrein**, tut quei funs che schai sur la **Risteina Aulta**.

La dieschma dils loghens sura menziunai che dattan mintga 40 curtaunas ina al farrer, sto segnerfarrer dar la tiarza part da quella dieschma alla baselgia parochiala da s.Vigeli; quei vul dir che segnerfarrer hagi per sesez, seigi per mintga 60 ina sia e quei che crescha ei dalla baselgia e fa ina tiarza, sco ei schon detg. Suenter la collecziun vegn ei fatg il quen per saver con ei tuchi da dar alla baselgia.

Exceptuai da dar la dieschma al segnerfarrer ein ils sequents loghen: ora **Bugnei il Prau Sura**, era il **Prau la Tscheppa** numnaus, a **Dieni** sco ils **Tiarms** dalla crusch muossan e sco igl ei avunda enconuscent a mintgin che gauda ils funs en quels loghens.

Benedir las alps

Per benedir l'alp dil **Tgom** 1 fl. 40 xr. Per benedir las alps da **Val** ed autras alps nua ch'ei vegn cargau vaccas, tila segnerfarrer 15 crenas pischada, oreifer l'alp da **Val Giuv**, la quala il beneficiat da **Rueras** ha il dretg da benedir ed ha diesch crenas pischada, quei vul dir cargond ad alp. Nuncargond ad alp paga la vischnaunca als segnerfarrer 7 fl. 30 xr ed al beneficiat da **Rueras** 5 fl.

Sal

Cura ch'ei vegn dau ora sal als paupers, sche publichescha il segnerfarrer en baselgia qual di ei vegni dau ora quella almosna ed al segnerfarrer vegn dau suenter usit 3 crenas sal mintga gada. NB. Ils calusters han era mintga gada mintgin treis crenas sal. *Remarca:* Ina ludeivla vischnaunca ha fixau il quantum per sufficient.

Tgei la parochiala s. Vigeli hagi da pagar al segnerfarrer

Il segnerfarrer sto applicar 13 messas perpetnas, las qualas la baselgia parochiala da s. Vigeli sto pagar per mintgina 1 fl., oreifer la messa perpetna ed annual per signur canoni Gion Sgier vegn pagau 2 fl., porta per tuttas da pagar 14 fl.

Ils nums als quals las messas ston vegnir applicadas ein ils sequents:

Ursula Riedi

Anna Crest Casparin

Joanes Vinzens da **Cascharolas**

Othmar Schmet, bab

Othmar Schmet, fegl

Giachen Mihel Quinter

Pieder Giacumet

Christina de Curtins seu im Hoff (*Decurtins*)

Baron Travers

Margretta Oliva

Junker Conradin de Medel

Maria Stoffel, la Frona

Remarca: Cu ellas crodan ei registrau cheu avon en il register da quest cudisch.

Plinavon paga la baselgia parochiala al segnerfarrer per la messa sil di da s. Vigeli 1 fl.; per la messa dil di da s. Brida era 1 fl.; pil vin da messa e pil vin che vegn duvraus sin il di da s. Gion evangelist 6 fl. Cheu po ei vegnir pagau cun rauba 3 fl. e 3 en daners, porta tut ensemen quei che la baselgia dat al segnerfarrer annualmein en daners 19 fl. ed en rauba per 3 fl., en tut 22 fl. e nuot dapli.

Remarca (pli tard): Sur la questiuon tgi duei pagar las s. bladas. Tenor las perdetgas pridas en par'ei ch'il segnerfarrer hagi mai stuiu pagar las hostias ed aschia duei era dacheudenvi il farrer buca vegnir engraviaus per da quellas varts. S.C.

Messas dil s. rusari

Avon ch'igl onn seigi spirius, duei vegnir fatg e celebrau sin il fixau temps 7 messas per ils confrars e soras dalla cumpignia dil s. rusari e mintga gada pagau al segnerfarrer 36 xr digl ugau dalla baselgia, il qual ha da pagar quella ord l'unfrenda che vegn fatga, ni metter vitier sche l'unfrenda tunschess buca ora.

NB. Il caplon da **Sedrun** ha era d'applicar la messa pils confrars dil s. rusari ed ha ses 36 xr. Quellas messas dil rusari han ils caplons era da far, ton il da **Rueras**, sco quel da **Selva**, ed ils ugaus baselgia han da pagar mintga gada 36 xr, per lur messa ord l'unfrenda, che duei era vegnir leu fatga, cun metter vitier, u haver il avanzament da quella.

Ulteriura explicaziun

Ils dis fixai da leger las messas dil s. rusari ein ils sequents:

1. L'emprema unfrenda croda sin l'emprema dumengia suenter la fiasta da Nossadunna da candeilas.
2. Emprema dumengia suenter la fiasta Nossadunna da mars, ils 25 da gliez meins.
3. Emprema dumengia suenter la visitaziun da Nossadunna, dils 2 da fenadur.
4. La dumengia dil Scapulier. Cheu vegn l'entira pleiv ensemen en la farria e l'unfrenda ei entira generala. Cheu ha igl ugau da s. Vigeli da pagar tuts 4 spirituals ses 36 xr a mintgin, essend che l'entira unfrenda croda en ses mauns.
5. La dumengia dil rusari. Cheu ei puspei l'unfrenda generala che sto vegnir secunteniu sco tier la dumengia dil Scapulier, cheu avon meldigiau.
6. Emprema dumengia suenter l'Immacolata concepziun da Nossadunna.
7. Sin Sogn Tumaisch apiestel, ils 21 d'october.

Sin quels dis vegnan las unfrendas fatgas e la jamna avon dueien las messas dil rusari schon esser fatgas e stadas clamadas sin quei di.

Sin quei di che l'unfrenda vegn fatga, duei igl ugau dalla baselgia parochiala sepresentar suenter messa en la sacristia e retscheiver quella en ses mauns ed immediatamein pagar al segnerfarrer, ed al signur caplon per las applicaziuns fatgas per quella confraternidad a mintgin 36 xr sco avon ei schon meldigau, sco era pagar als calusters 8 bluzghers per in, per haver tratg si quellas, quei d'entellir cura ch'els han tratg si las unfrendas cun ira cun la tastga. Nunstuend trer si els ina unfrenda, han ei negina pagaglia. Duessen las unfrendas buca purtar ora d'ademplier las sura obligaziuns, sche ha la baselgia da metter dil siu, sco quei ch'il vanzament ei era ses, dalla baselgia. Igl ugau ha da tener mintga gada in gest quen, ei seigi ch'el hagi stuiu metter tier u ch'ei seigi stau avanzament.

Davart las unfrendas

Il segnerfarrer ha per atgnas las unfrendas che vegnan fatgas sin las quater fiastas: Nadal, Pastgas, Tschuncheismas ed Assumziun da Maria, sco era quellas duas da Sontgilcrest, Corporis Cristi. Ina da quellas vegn fatga a **Rueras**. Sin quellas fiastas ei il Segnerfarrer obligaus d'applicar il sacrifici per il general e beinstar dalla ludeivla vischnaunca.

Autras unfrendas che vegnan fatgas ein ed audan alla baselgia cun observar las avon screttas obligaziuns.

Las duas unfrendas che vegnan fatgas il di da s. Vigeli ed il di da s. Brida, patruna secundaria da nossa parochiala, ha igl ugau da pagar al segnerfarrer 1 fl., al caplon nuot, bein aber als calusters lur fixai 8 bluzghers.

L'unfrenda da Buania retscheiva igl ugau baselgia entira senza stuer pagar ora ad enzatgi enzatgei, oreifer als calusters lur fixada pagaglia e quella duei vegnir duvrada per basegns u ornament dalla baselgia.

NB. Cura che la messa da s. Vigeli e s. Brida ein vegnidas pagadas sin quei di ch'ellas ein vegnidas fatgas, sche ha igl ugau baselgia da pagar sin igl atun mo 20 fl. al segnerfarrer, en quei per 3 fl. cun rauba, sco avon ei schon menziunau.

Autras entradas u stipendis dalla farria

Il segnerfarrer ha era per scadina messa perpetna da trer in stipendi annual dad 1 fl., oreifer per la messa perpetna da signur litinent Gion Soliva mo 30 xr.

Remarca: Tenor testament, igl ugau dalla spenda paga dil sal.

Bara gronda

Per ina bara gronda, per las funeralias ed applicaziuns dalla bara, sco era pil caudonn tenor usit, porta tut ensemen al farrer 6 fl. 20 xr.

Als caplons per bara e caudonn omisduas gadas en tut 4 fl.

Suonda il muster.

Stipendi fixau per scadin di.

	Farrer	Caplons mintgin
Il di dalla bara	1.40	1
Il di dil tierz	1.40	40
Il di dils 8 dis a Nossadunna	40	40
Caudonn		
Il di dil caudonn	1.40	1
Igl auter di a Nossadunna	40	40
Summa	6.20	4

Remarca da pli tard: La vischnaunca ha ordinau da dar 40 xr sco avon temps. Ils caplons han da cumparer quels dis en la farria, sch'ils parents dil defunct lubeschan buca da star els loghens.

NB. Per 3 messas dils signurs caplons da bara, tierz e caudonn sto ei vegnir pagau 3 perin, las messas enten Nossadunna stat ei sura als particulars da schar leger ni buc.

Als calusters per tucar e cavar il di dalla bara 16 xr, per il di caudonn han ei era 16 xr, mintgin. Per las candeilas che vegnan messas sper la tumba (*Scheinbahre*) il di dil tierz e caudonn, en cass che mintgin ha buca sez, duei vegnir bonificau alla baselgia 6 xr mintga gada.

Annuals ed uffecis

Per annuals ed uffecis generals che vegnan cumandai u ch'ei seigien stiftegiai e nua che tuts spirituals cumparan, vegn pagau 5 fl., il segnerfarrer ha 1 fl. 40 xr, ils signurs caplons mintgin 1 fl., ils calusters 16 xr ed alla baselgia 4 xr.

Per ils uffecis generals che vegnan fatgs ord l'unfrenda dallas olmas ha segnerfarrer mo 1 fl., era sco ils auters caplons e la baselgia nuot.

Processiuns

Per la processiuon da **Tschamut** ed a **S. Antoni**, che vegnan tenidas ussa enstagl d'ir a **S.**

Gottard, vegn pagau al farrer 1 fl. 40 xr applicond a **Tschamut** la messa per la vischnaunca e pil beinstar da quella. Per autras processiuons usitadas, ni autras processiuons che la vischnaunca ordinass aunc da far, ni per basegns generals, ha il segnerfarrer negin stipendi, applicond aber la messa per la vischnaunca vegn ei pagau ad el 40 xr.

Tgei las filialas han da pagar

La filiala da S. Giachen a **Rueras** per quater funcziuns, il patrocini, la dedicaziun, Sontgilcrest e la fiasta da s. Filip e Giachen; per tuttas 1 fl. 40 xr.

La filiala da S. Onna paga per las funcziuns pil patrocini e dalla dedicaziun fl. 2. Per messas perpetnas per Andriu de Sax, per signura misterlessa Margaritta Soliva, per signura landrehta Maria Berther, per signur cumissari Martin de Florin, per signur scarvon Gion Andriu Decurtins, per Giachen Mihel Deflorin; s. Onna summa 8 fl.

Filiala da S. Giusep per las funcziuns dil patrocini e la dedicaziun 2 fl. Per la messa perpetna da Paul Sievi 1 fl. Summa 3 fl.

Las filialas S. Antoni, S. Leci, S. Gion e Paul a **Selva** e S. Nicolaus a **Tschamut**, mintgina per ils dis dil patrocini e dallas dedicaziuns mintgina 2 fl. e fa ensemen 8 fl.

Remarca: Davart il stipendi dallas filialas da **Selva** e **Tschamut** vide urbari da leu.

La filiala da Nossadunna a **Zarcuns** per las funcziuns dil patrocini e la dedicaziun 2 fl. e per la messa perpetna da Martin de Perdi 1 fl. Summa 3 fl.

Obligaziuns dil segnerfarrer

Visitar malsauns. Ei ina dallas pli essenzialas obligaziuns per in farrer. El ei obligaus da visitar e proveder tut sias nuorsas en l'entira pleiv, nua ch'ei vegn garegiu ed aschia cura ch'el sa ed endriescha ch'ina da quellas seigi malsauna, sche duei el quella visitar ed assister en tuts basegns da si'olma, schegie ch'el fuss buca vegnius clamaus.

Remarca: Tenor sontga obligaziun da mintga pastur dallas olmas. La medema obligaziun han era ils caplons en lur loghens ed en cass d'in nunprevediu cass, era stuer observar la Cura animarum, la quala els han era en auters loghens dalla vischnaunca.

Moda da satrar ina bara gronda

Pils morts da **Sedrun** e **Gonda** va il segnerfarrer entochen en casa dil defunct, dat l'absoluziun suenter il ritual e cumpogna la bara da leu naven entochen en baselgia. Pils da **Salins** entochen la **Platta** u **Pun** sur **Gonda** che va sur igl ual via, l'aua dils mulins, e buca pli lunsch. Ils morts d'auters vitgs vegnan tschentai giu sin **Cadruvi**, nua ch'il segnerfarrer ed ils auters spirituals retscheivan la bara sco avon ei detg e cumpognan da leu naven entochen en baselgia, nua ch'ei vegn fatg las funeralias suenter il solit e silsuenter satrau mintgin en ses logs tier ses perdavons.

Satrar in affon.

Per ina bara pintga ha il segnerfarrer e calusters negin stipendi. En cass ch'ei vegn supplicau d'applicar la messa per ils antecessurs, sche vegn ei pagau per quella 32 xr. La bara vegn purtada e tschentada entochen avon la porta dalla baselgia oravon e leu dil segnerfarrer retschevida e cumpignada en baselgia e suenter messa en la fossa.

Fiastas solemnas

Nua ch'igl ei la moda d'haver in predicatur ed il farrer dat il gentar e lai celebrar e funcziunar in auter spiritual e nua che la sera avon vegn fatg viaspras solemnas ein las sequentas:

1. Il patrocini dalla baselgia da s. Vigeli, nua ch'il farrer da **Mustér** ha priedi e funcziunescha, vegn era fatg ina unfrenda sin quei di, sco igl ei schon vegniu fatg menziun en in auter liug.
2. La dedicaziun dalla baselgia parochiala.
3. Tier la solemnitad dil Carmel.
4. Il di dil capetel.
5. Per la dumengia dil rusari, emprema d'october.
6. Sco era sin ils siat sequents dis e fiastas vegn ei tenui viaspras solemnas la sera avon en la baselgia parochiala: da Pastgas, Tschuncheismas, Sontgilcrest, sin la Assumziun dalla Beata

Purschala Maria, ils 15 d'uoost, la fiasta da tut ils sogns, la fiasta da Nadal e Buania. Auters dis stat en libertad dil farrer sez.

Che la dumengia suenter Sontgilcrest vegni funcziunau a s. Giachen a **Rueras** ei menziunau en in auter liug, vide fol. 30 e ch'igl entir octav da Sontgilcrest vegni exponiu il venerabel s. sacrament e dau las benedicziuns suenter il ritual, vide fol 31.

Las exposiziuns dil venerabel temps da stad las dumengias ed igl uorden che vegn observaus, vide fol. 31.

Segnerfarrer ei obligaus da far ils uffecis e la messa d'uras cumadeivlas, ch'il pievel sappi cumadeivlamein cumparer e la vischnaunca ei patruna da fixar sezza las uras ch'ei las pli adequatas per il pievel.

Remarca: Cun cunsentiment dil segnerfarrer.

Las dedicaziuns da nossas baselgias, cura ellas crodan (folio 30)

La dumengia VI. suenter Pastgas croda	s. Antoni Surrein
La dumengia I. suenter il patrocini s. Vigeli	a Sedrun
La dumengia suenter la dedicaziun dalla parochiala	a Selva
La dumengia I. suenter solemnitad dil Carmel	a Zarcuns
La dumengia I. d'uoost en quei meins	a S. Onna Camischolas
La dumengia I. da settember a S. Nicolaus	a Tschamut
La dumengia II. settember a S. Leci	a Cavorgia
La dumengia IV. settember a S. Giusep	a Bugnei
La dumengia II. d'october a S. Giachen	a Rueras

Sin quellas sura numnadas dedicaziuns vegnan ils uffecis parochials celebrai en ils medems loghens nua ch'ellas crodan e l'applicaziun pils benefactors dallas baselgias. Scadina baselgia paga per la sia tenor usit.

Sin l'emprema dumengia suenter Sontgilcrest vegnan ils uffecis e la funcziun solemna cun il ss. venerabel sacrament cun la processiuon fatga a **S. Giachen**. Ha il segnerfarrer l'applicaziun per la cuminitad. Sut igl entir octav vegn exponiu il sontgissim sut messa cun la benedicziun avon e suenter messa.

Las dumengias (folio 31)

Temps da stad vegn ei era exponiu il venerabel sogn sacrament enten la parochiala, nua ch'il caplon da **Rueras** cun il pievel han da cumparer era cheutier. Vegn recitau sut l'exposiziun avon la messa il rusari da 15 cuors e fatg la processiuon entuorn baselgia cul venerabel, cantond il himni „Pange lingua“, legiu igl evangeli da s. Gion avon baselgia cantond „Te ergo quesumus“, mettend il sontgissim sin il tron. Sch'igl ei buca dad I. ni II. classa, lu vegn mess en il tabernachel, avon dau la benedicziun, era vegn fatg priedi avon che far messa.

NB. Sch'ei croda en ina dedicaziun, nua ch'il segnerfarrer ei impediud da celebrar la messa enten la parochiala, sche vegn la devoziun anticipada per 2 uras. Enstagl da far las 10, vegn fatg schon las 8 uras ed il caplon da **Rueras** ha da celebrar la messa e suenter esser finida quella devoziun va segnerfarrer en il predestinau liug e celebrescha leu d'uras ordinarias ils uffecis parochials, nua ch'il pievel sa aunc cumparer sch'ei vegnan dalla devoziun mumentai leutier.

Grevezias dil farrer

Al caplon da S. Giachen mintg'on	10 fl.
Per igl uffeci dil plevon resignau segnerfarrer Jacob de Castelberg e per igl uffeci per ils confrars dalla cumpagnia da S. Giachen	2 fl.
Summa.	12 fl.
<i>Remarca da pli tard:</i> Per igl uffeci dalla cumpagnia da s. Giachen tilan en ussa ils caplons sez il lur stipendis sin ils particulars che han da pagar.	
Al caplon da Selva per ils dus avon menziunai uffecis u annuals sco al da Rueras era	2 fl.
Al caplon da Sedrun per la medema raschun menziunada pils 2 uffecis	2 fl.
Alla vischnaunca per mantener il tetg casa dalla pervenda	1 fl. 40 xr.

Ha da dar mintga auter onn in gentar agl obercheit da vischnaunca ina gada il Tscheiver. Ha l'obligaziun da dar gentar als caplons da **S.Giachen** e da **Selva** ed a quel da **Sedrun** sin las quater fiastas, da Nadal, Pastgas, Tschuncheismas e Assumziun da Nossadunna, sco era sin la solemnitad dil Scapulier e dil Rusari, era ils venderdis mars ni da Cureisma a quei caplon che fa priedi sin quei di mintga gada, aber mo a quel che ha giu priedi quei di.

Moda da trer en la dieschma

Il segnerfarrer va cun in genau ed il stalter dalla vischnaunca en mintga casa, nua ch'ei vegn dau la dieschma e garegian per sarament da dar quen da lur garnezi, sinaquei ch'ei sappi vegnir dieschmau a nies segnerfarrer suenter il solit. Il farrer ei obligaus da dar raschuneivla spisa e bubronda a quels dus signurs e mintga di aunc ina curtauna segal a mintgin, il medem era a quels ch'il farrer accordescha da far purtar ils sacs. Il genau ha d'ira dus dis ed il stalter treis dis, schinavon sco quel va era a **Cavorgia** e **Surrein**, ed il genau aber buc, tucca per pagaglia al genau duas curtaunas segal ed al stalter treis curtaunas segal.

Il davos di dalla collecziun dat il farrer ina tscheina ventschidas a quels ch'han gidau a trer en la dieschma, sco era als dus ugaus dalla spenda da graun, dumiec, dils paupers, era als signurs caplons medemamein.

La lenna ch'el drova per sia casa eis el obligaus da procurar sez tut sin sias spesas. In lenn aber en la schetga cumina dador **Bugnei** vegn ei ad el dau, cun cundiziun da dumandar igl obercheit da vischnaunca e far scriver en il cudisch da vischnaunca ch'ei seigi vegniu dumandau e concediu.

Il segnerfarrer sco vischin da vischnaunca ha l'obligaziun da dar spisa e pagaglia als pasturs per tut ses tiers ch'el ha sut quels sco in auter vischin da vischnaunca medemamein.

Sin las quater fiastas da Nadal, Pastgas, Tschuncheismas, Assumziun da Maria, ha el l'obligaziun da dar gentar als caplons sco ei schon detg, era als calusters, sco era agl organist medemamein.

Remarca: Ariguard igl orgalist eis ei buca stricta obligaziun, aber bien e cussegleivel ch'el vegni envidaus en.

Uorden da parter ora la spenda il Mardis Pastgas

Tier quella distribuziun han da cumparer il segnerfarrer, in genau, il stalter dalla vischnaunca, ed il Vaibel, *salter*, ils quals han l'obligaziun da miserar si il dumiec che vegn daus a mintga munglus tenor beinmanegiar dils leu presents suprastonts, cheutier han era ils dus ugaus dalla spenda d'esser, ed ein obligai da mirar che tut la spenda vegni purtada e rabitschada en ils arcuns e da leu anora prida da quels che han quella da basegns.

Remarca: Ina ludeivla vischnaunca ha fixau 6 persunas per sufficient cheutier e per spargnar spesa alla spenda che duei vegnir tier als paupers.

La spenda ch'il caplon da **Rueras** ha da pretender, che consista en 34 curtaunas, dueien ils ugaus puder purtar en sia casa senza stuer purtar a **Sedrun** e puspei purtar a **Rueras**. Il gentar ch'ils ugaus han da pretender dad El, duei buca vegnir cunterdetgs.

Suenter la distribuziun vegn ei dau a quellas 6 persunas ina marena che duei consisten en ina mesa vin perin ed enzatgei da magliar leutier, e quella marena vegn pagada dils ugaus ord la spenda cun graun u cun daner blut, sco era la messa perpetna che vegn sin quei di fatga pils benefactors dalla spenda da quella almosna.

Remarca da pli tard: Enstagl da questa marena a quels 6 umens eis ei fixau da far 1 fl per in ed auter nuot.

Ils calusters han era da pretender annualmein ord la spenda mintgin 8 curtaunas dumiec sin quei di.

Per trer ils fols dallas orglas vegn ei era dau sin quei di mintg'onn 8 curtaunas dumiec. Sin la dumengia dil Scapulier vegn dau ina marena als calusters ed allas giuvnas che

vestgeschan il vut da Nossadunna. Il segnerfarrer u igl ugau da s. Vigeli dattan quella e la baselgia s. Vigeli paga 3 fl 20 xr per quella.

Funcziun da Sontgilcrest cun armas e fenglis

A quels giuvens che celebreschan las fiastas cun armas, fenglis e schumbers, vegn dau dil segnerfarrer suenter viaspras a mintgin sia mesa vin cun in quader paun leutier, tenor usit ei buca obligaus dapli.

Il farrer ha da tener mintg'onn capetel, e sin las entradas da nossas baselgias invigilar (*survigilar*) e gidar a constrenscher (*obligar*) ils ugaus da quellas cun ils geraus ensemblamein, e garegiar da dar giu quen sil pli pauc mintg'auter onn, sche buca mintg'onn da scadin ugau baselgia e caplutta.

Als dus giuvens che portan Rauchfas e Schifla sut messas solemnas, dat il segnerfarrer era ina mesa vin ed enzatgei manducandum (*zatgei da magliar*) suenter viaspras, tenor usit.

Aunc ina explicaziun davart l'unfrenda dallas olmas

Cheu avon fol. 22 ei schon fatg menziun da quella. Aunc eis ei da dir che las messas che vegnan fatgas ord la mesadad da quella unfrenda, dueien ils spirituals stuer far per il stipendi fixaus dalla Curia ed il glin che vegn unfrius quei di per il prezi dalla clamada ch'exista mintga gada. Il reminent (*il restau anavos*) ei registraus, vide folio 22.

Remarca: Mess vitier ed enconuschiu d'ina ludeivla vischnaunca per gest e raschuneivel.

Remarca da pli tard: Nunvulend ils signurs spirituals acceptar, sche duei il glin vegnir vendius pli lunsch.

La vischnaunca ha il dretg, cura ch'in benefeci vegness vacants, da far far las messas perpetnas u ligiadas cul benefeci tgei spiritual che plai ad ella cun pagar mo il stipendi ordinari dalla Curia, cun esser obligada d'applicar igl avanzament da quellas ed auter vanzament d'in benefeci vacant per augmentaziun dil benefeci sez e per basegns en caussas pias.

Remarca: Quella conclusiun ei fatga tenor ina informaziun retscharta, ch'en auters loghens seigi ei era dalla Curia anora vegniu concediu il medem dretg.

Strihau pli tard e formulau quella part sco suonda:

Ariguard las messas d'in benefeci vacant

Dueien quellas messas, las qualas ein incorporadas el benefeci e ch'han negin agen stipendi, vegnir legidas per il stipendi ordinari, tier il qual aber ils signurs spirituals dil liug, sch'Els han da basegns da messas, hagian il dretg da leger avon auter. La distribuziun aber da quellas duei adina mo cun savida ed inspecziun dil present segnerfarrer daventar. Messas perpetnas aber, las qualas ein ligiadas vid in liug e temps, dueien dils spirituals dil liug vegnir legidas per il fixau stipendi. Duessen ils signurs spirituals dil liug vegnir entras ina liunga vacanta engraviai, sche pon els era garegiar ed obtener in resarciment (*cumpensaziun*) ord ils interess intercolars.

Finalmein ha il segnerfarrer da tener mintg'(pli tard: auter) onn capetel e sin las entradas da nossas baselgias vigilar e gidar a constrenscher ils ugaus da quellas cun ils geraus ensemblamein e garegiar da dar giu quen sil pli pauc mintga auter onn, sche buca mintga onn, da scadin ugau baselgia u caplutta.

Notizia dallas mobiglias appartenentas alla casa pervenda da Sedrun

1. Sessels 8, ils quals portan ils plaids „Pervenda Sedrun“ sin il funs.
2. Letgeras 4, marcadas „Farria Sedrun“.
3. Il cussin en stebli, marcaus „Farria Sedrun“.
4. La scaffa en stebli, marcada „Farria Sedrun“.
5. Ina meisa liunga en stiva dado, marcada „Farria Sedrun“.
6. Ina meisa sin combra sur stiva, marcada „Farria Sedrun“.
7. Ina meisa stgein en stiva dadens.